

四庫未收書輯刊編纂委員會編

四庫未收書輯刊

北京出版社

捌輯·拾貳冊

四庫未收書輯刊

四庫未收書輯刊編纂委員會編

北京出版社

捌輯・拾貳冊目錄

歷代神仙通紀五十卷・之二
〔清〕宋在衡輯

〔清〕宋在衡輯

歷代神仙通紀
五十卷・之二

清鈔本

西山許真君八十五化錄序第五冊

神仙可以學得不死可以力致信哉斯言也夫神仙之道在手內積功勤外施德行使其功行既著則動天地感鬼神之自然也矧夫功之與行非智之與力奚能致哉昔者

祖師許真君正心誠意真清常靜存神固无抱元守一豈非聖功歟修仁蘊德濟貧救苦見人危難常行拯救及化鳴善人入道修行先人後己與物无私豈非道行歟由此觀之功行甫就聖道克

全按宅飛昇於九清之上亘古今人所未聞也然則是傳之謬實祖師立功積德之表鑑焉是詩之作豈門弟騁華銜藻之文詞焉詩傳者蓋紀述其行事贊揚其偉蹟於祖師也茲諸後學之士知祖師如是而行功如是而立行苟能踐履之擬鑄之則充乎道德證乎神仙豈不與西山衆真同驅而併駕矣八十五化之設非徒載往事而祖師垂教化之意深有望於後學之士不淺矣幸加勉進時巨宋丙午後稷日西山勇悟真人施岑頌詠

聖德謹稽首百拜序

西山許真君今五化錄卷上

西山勇悟真人施崇編

本始化

祖師姓許名遜字敬之曾祖琰祖王父肅世為許昌人高節不仕潁陽由之後也父漢末避地於豫章之南昌因家焉吳赤烏二年己未母夫人慶金鳳啣珠墜於掌中玩而云之及覺腹動因是娠而生祖師焉

仙化

句曲山遠遊君過護軍長史魏皆祖師再從民第也

悟真化

祖師生而穎悟姿容秀偉少小通陳與物無忤嘗從獵射麋鹿中之一子隨鹿而之子隨鹿而猶顧師之未竟而斃因感悟即行棄弓矢

務學化

祖師起意為學博通經史天文地理音律五行識緯之書尤嗜神仙修鍊之術頗臻其妙聞西

安猛得至人丁義神方乃往師之悉傳其妙

擇地化

遂與郭璞訪名山求善地為棲真之所得西山之陽逍遙山金氏宅遂徙居之今逍遙福地王隆萬壽宮是也金氏見為神後有傳曰以修鍊為事今有丹井藥臼存焉不末聞達鄉里化其孝友交游服其德義

金槧化

嘗有售鐵燈者因夜然燈見有漆剝處視之金也翼日訪主還之人有饋遺苟非其義一介不取

旌陽化

邵舉孝廉不就朝廷屢加禮命不得已乃以太康元年起為蜀郡旌陽縣令時年四十二

德政化

視事之初戒吏胥去貪鄙除煩細脫囚繫悉開諭以道吏民悅服咸願自新發摘如神吏不敢欺其聽訟必先教以忠孝慈仁忍慎勤儉近賢遠奸去貪最

暴具載文誠言甚詳悉復患百里之遠難以戶曉乃擇秀民之有德望與耆老之可語者委之勸率故爭競之風日銷久而至於無訟

賑乏化

先是歲饑民無以輸租郡邑繩以法率多流移祖師乃以靈丹點瓦礫為金令人潛瘞於縣圃一日籍民之未輸者咸造于庭詰責之使服力役於後圃民獲地獲金得以輸納遂悉安堵鄰境流民慕其德惠來依附者甚眾遂至戶口增行

平疫化

屬歲大疫死者十七八祖師以所授神方拯治之符咒所及登時而愈至於沈痾之疾無不痊者傳聞他郡病民相繼而至者日且千計於是標竹於郭外十里之江置符水於其中俾就竹下飲之皆瘥其悼老羸疾不能自至者汲歸飲之亦獲痊安蜀民為之謠曰人無盜竊吏無姦欺我君治人病無能為其後江左之民亦來汲水於旌陽祖師乃咒水一器置符其中令持歸置之江濱亦植竹以標其所

俾病者飲之江左之民亦良愈今號蜀江是也亦名錦水今屬瑞州高安

棄榮化

祖師任旌陽既久知晉室將亂乃棄官東歸旌陽縣屬漢州祖師飛昇之後詔改為德陽表祖師之德及民也尋移縣治於西偏而以故址為觀今號旌陽觀屬民感其德化無計借留所在立生祠家傳畫像敬事如神明焉啓行之日裹糧而送者蔽野有至千里始還者有隨至其宅願服役而不

新梧化

祖師嘗至新梧憩於栢林忽有女童五人各持寶劍來獻祖師要而受之其地今為栢林觀也既而偕至祖師之第惟自擊劍自娛人莫能測祖師識其劍仙也常禮遇之卒獲神劍之用祖師飛昇之後遂隱于手栢栢之下因號栢樹仙童

黃堂化

既而與吳君游於高陽聞金陵丹陽縣黃堂靖

有女師諶姆多道術遂同往致敬扣以道妙姆
曰君等皆風稟靈骨仙名在天然昔之孝悌香
上清下降化度人世示陳孝道初降兗州曲阜縣蘭
公家曰後晉代當有神仙許遜傳吾此道是為衆
真之長留下金丹寶經銅符鐵券令公授吾使掌
之以俟子積有年矣吾復授孝道明王之法亦以
孝為本子今來矣吾當授子乃擇日登壇依科
盟授闡明孝道誓戒叮嚀出銅符鐵券金丹寶
經正一斬邪之法三五飛步之術諸階秘訣悉以

傳付祖師 今淨明五雷法之類皆姆所授也

王譜化

諶姆顧謂吳君曰君昔以神方為許君之師今孝道
明王之教獨許君得傳君當返師之況王皇元譜
君位元都御史許君位高明大使總領仙籍品秩
相泰又所主十二辰配十二國之分許君司玄枵之
野於辰為子統攝十二分野君領星紀之邦於辰
為丑耳自今宜以許君為長也

朝真化

祖師與吳君禮謝訖辭行祖師方心期每歲必來
謁姆姆覺之曰子勿來吾即還帝鄉矣因取香
茅一根望南擲之曰子歸認茅落處立吾祠歲秋
一至足矣祖師與吳君還首訪飛茅之跡尋於所
居之南四十里餘得之已叢生矣遂建祠宇亦以
黃堂名之 號曰崇真觀今稱黃堂隆道宮者是也
每歲仲秋三日必往禮謁焉

憩真化

祖師往訪飛茅路傍見陂水清澈為之少憩曰

憩真靖 今清陂村憩真靖是也 又見鄉民盛烹

宰以祀神且相詔曰祭不腆則神怒降禍矣祖師
曰恠崇敢爾耶夜宿於逆旅召風雷伐之拔其
林木明日告其里人曰妖社已驅毋用祭也 今其
地有廢社不祭

靈泉化

祖師見負檐遠汲者滿道乃以杖刺社前涸澤出
泉以濟之雖旱不竭 今大澤村紫陽靖石井是也

龍城化

明日登山巔指山腰之泉罅曰是有異物藏焉
後將爲孽遂立壇靖以鎮之 今每歲朝祀必
憩於此號龍城觀

松壁化

祖師渡小蜀江 今名黃湖口 抵江干之肆主人朱
氏雖貧而迎接甚敬祖師戲畫一松於其壁而去其
家即日市利加倍後江漲潰隄市舍俱漂惟松壁不
壞 今名松湖市朱氏見廟食其地

黃龍化

祖師嘗鍊神丹于艾城之黃龍山山湫有蛟魅護
爲淵藪輒作洪水欲漂丹室祖師遺神兵擒之
釘于石壁 今有釘蛟石猶在焉 丹成祭于幕阜
葛仙公石室遂至修川愛其湍急而味堅乃取神
劍磨於澗傍之石 今在修川梅山後人於其處立
觀以表其聖跡今號爲旌陽觀是也 尋渡水登
秀峯 今號曰旌陽山 爲壇於峯頂以醮謝上帝
乃服仙丹

西安化

吳君居近焉 溪南有吳仙村吳仙觀即吳真君之故
居也 遂造吳君之宅過西安縣 今之公寧是也

縣社伯出謁祖師詰其地分有妖物爲民害者
其神匿之祖師行過一小廟廟神 廟神姓毛兄弟五
人今號協佑廟者在縣之東 迎告曰此有蛟孽害
知仙君來故往鄂渚藏矣後將復還願爲斯民
除之祖師如其言躡跡追之至鄂渚路傍逢三
人今三王廟詢其蛟孽所在首指曰見伏於前
橋下 今號曰伏龍橋是也 祖師至橋側伏劍叱

之蛟驚奔入大江遂匿于淵今號曰下龍穴乃勅吏
兵驅之蛟從上流奔出遂乃誅之 今號上龍口是
祖師怒西安社伯之不職錮其祠門止民間之事祀
今分寧縣城隍廟正門常閉開則邑有火災祀師止從偏
戶出入居民祭者少 今祀小廟 今封協佑使廟食甚盛
亦多靈感

丹藥化

已而還郡城祖師曰此地水陸衝要人物繁夥豈
無分合得仙之人試以丹數粒雜他藥貨之今其

信緣而取既而贖者雖多竟無一人遇者祖師吁歎以世間仙才之難得也

藏溪化

祖師聞新吳有蛟爲孽因持劍捕逐之故所經遊處曰龍泉觀今改爲仙遊是也蛟懼竄入溪穴至今號曰藏溪祖師乃以巨石書符反作鎮蛟文以禁之鎮蛟文石碣尚存今爲僧院曰延真傍建觀亦曰延真在奉新縣西十里

海昏化

時海昏之上遼有巨蛇據山爲穴吐氣成雲亘四十里人畜在其氣中者即被吸去無得免者江湖舟船亦遭覆溺大爲民害祖師聞之乃登北嶺之巔驗之今赤烏觀之東曰會仙峯即其處也果見毒氣漲空祖師憫斯民之罹其害乃集弟子將往誅之赤烏化

初入其界遠近居民三百餘人知祖師道法競來告愬求哀懇切祖師曰世運周流當斯厄會生民遭際合受其災吾之此來正爲是事當爲汝曹

除之吾誓不與此蛇俱生也有頃群弟子至亦同

勸請祖師曰須時至乃可於是卓劍于地默禱於天良久飛泉湧出俄有赤烏飛過祖師曰可矣其北爲便時觀後赤烏觀今爲壽聖又曰廣福本廟道士萬中行詩曰昔有長蛇杭毒成旌陽曾此俟誅夷洞中仙子方如會天上靈烏忽報時符使怒飛凌谷口劍星支下鬼神悲一千年後幾興廢可惜陰功無盡期張天覺有卓劍泉詩云卓劍遠成巖下并待時遙動日中烏海昏餘孽今除盡餘澤猶存七

靖園

斬蛇化

遂前至蛇所伏劍布氣蛇懼入穴乃飛符召海昏社伯驅之不能出復召南昌社公助之其符落於縣東因建觀號符落今名太和其蛇出穴攀首高十餘丈目若火炬吐毒衝天鄉民咸鼓譟相助是時祖師嘯命風雷指呼神兵以攝伏之使不得動吳君乃飛步踏其首以劍劈其額蛇始低伏弟子施岑甘戰等引劍揮之

小蛇化

蛇腹裂有小蛇自腹中出長數文甘君欲斬之祖師曰彼未爲害不可妄誅小蛇懼而奔行六七里聞鼓譟聲猶返聽而顧其母今地名有子港七里聽群弟子請追而戮之祖師曰此蛇五百年後若爲民害當復出誅之以吾壇前松栢爲驗其枝覆壇拂地是其時也又預議云吾仙去後一千二百四十年間豫章之境五陵之內當出地仙八百人其師出於豫章大揚吾教郡江心忽生沙洲掩過沙井口者

是其時也

事見松沙記豫章職方乘云龍沙在章

江西岸石頭之上與郡城相對潘清逸有望龍沙詩云

五陵無限人家視松沙記松沙雖未合氣象已靈吳昔

時蛟龍漱半作桑麻地形帶江轉洲浮有連勢

此時小蛇若爲害彼八百人自當誅之苟無害於

物亦不可誅也蛇子遂得入江建昌縣蛇子港是其

處有廟在新建縣吳城山甚靈本朝封靈順昭應安

濟惠澤王俗呼曰小龍廟大蛇既死其骨聚而成

洲今號龍骨洲

七靖化

祖師於海昏經行之所皆留壇井凡六處通候時之地爲七其勢布若斗星之狀蓋以鎮弭後患

七靖者謂進化靖御奏靖丹符靖華表靖紫陽靖霍陽靖劉其靖今皆爲宮觀或爲寺院官舍者有之矣復至邑之西北見山泉清冽乃投符其中與民療疾其効亦比蜀江今號曰冷水臺巨蛇既誅妖血汙劔於是磨洗之且削石以試其鋒今建昌縣有磨劔池試劔石告其徒

曰大蛇雖滅蛟精未誅彼物通靈必知吾有除害意恐其伺隙潰郡城吾歸郡子戰岑二子從我焉時永嘉六年也

炭婦化

祖師道術高妙著聞遠邇求爲弟子者數百人却之不可得乃化炭爲美婦入夜散群弟子處以試之明旦閱不爲所染者惟十人耳即異時上昇諸高第也自是凡周遊江湖誅蛟斬蛇無不從焉餘多自愧而去今建昌縣西津名炭

婦市立觀曰妙明

橫泉化

祖師乃與甘施二君歸郡周覽城邑適有一少年
美丰度衣冠甚偉通謁自稱姓慎禮貌勤恪應
對捷給遂告去祖師謂弟子曰適者非人老蛟
之精故來見試也體貌雖是腥風襲人吾故惡之
庶盡得其醜類爾迹其所之乃在江潯化為黃牛
卧郡城沙磧之上 今名黃牛大洲是也 祖師乃
剪紙化黑牛往闔之令施崇潛持劍往俟其闔
酣即揮之施君一揮中其股牛奔入城南之井中
井名橫泉今在上藍寺東南角墻掩井口故亦
號蛟井

追蜃化

祖師遣符使尋其蹤乃知直至長沙於賈誼井
中出化為人即入賈王使君之家先是蛟精嘗慕
王之女美化為一少年謁之王大愛其才許妻
以女因厚賂王之親信皆稱譽焉遂成婚居
數歲生二子嘗以春夏之交子然而出周遊江

湖若營賈者至秋則乘巨舸重載而歸所貨皆
寶貨貨蓋乘春夏大水覆舟所獲也是秋徒還給
王云財貨為盜所劫且傷左股王舉族歎惋求
醫療之

昭潭化

祖師乃為醫士謁王王喜召其婿出求醫蛟精覺
之懼不敢出王自起召之祖師隨至其堂厲聲叱
曰江湖蛟精害人非一吾尋蹤至此豈容逃匿速
出速出蛟精計窮乃現本形蜿蜒堂下為吏妾所
誅祖師以法水唾其二子亦皆為小蛟併誅之賈女
亦幾變形其父母為哀求祖師給以神符故得不
變祖師謂王曰蛟精所居其下即水今君舍下深不
踰尺皆洪波也可速徙居毋自陷禍王舉家惶駭
遷居高原其地不日陷為淵潭深不可測 今長
沙昭潭是也

鎮蛟化

祖師復還豫章而蛟之餘黨甚盛慮祖師誅之
心不自安乃化為人散遊城市訪祖師弟子詭

言曰僕家長安稽世崇善遠聞賢師許君有神劍
顧聞其功弟子語之曰吾師神劍指天裂地地并
指星辰則失度指江河則逆流萬邪莫可當神聖之
靈也又曰抑有不能傷者乎弟子戲之曰惟不能傷
冬瓜葫蘆耳蛟以為誠然繼而盡化其屬為葫蘆
冬瓜連枝帶蔓浮泛滿江擬流出境祖師晨興覺妖
氛甚盛乃顧江中見蛟精所化即以劍授施矣使復
水斬之黨屬如連悉無類江流為之變色祖師
曰此地蛟螭所穴不有以鎮之後且復出為患人不
能制也乃役鬼神於牙城南并鑄鐵為柱出井外數
尺下施八索鉤鎖地脉今鐵柱延真宮是也祝之
曰鐵柱若囚其妖再興吾當復出鐵柱若正其妖永
除由是水妖屏迹城邑無虞復慮後世奸雄妄作
故因鐵柱以為識記云地勝人心善應不出奸雄縱有
興謀者終須不到頭之言祖師之慮後世深有如此
者

西山許真君八十五化錄卷上

西山許真君八十五化錄卷中

虞三

西山勇悟真人施岑編

楮鏹化

祖師尋飛茅時渡小蜀江以錢二百勞舟人舟請
益不已欲需一千祖師從之既登岸舟人持錢歸惟
二環耳餘皆楮鏹始驚訝知其神人至今仙駕經
由舟人止覓二鏹不敢過求也

藥湖化

新建縣之曠旱湖水涇至多祖師以粒藥投之其涇

永絕至今名藥湖

松湖化

松湖市之抄洞祖師嘗少憩至今家無蚊蚋焉

抄洞化

豐城縣之抄針洞蛟入其中以抄木楔之至今不朽

仙鶴化

明帝太寧二年大將軍王敦字處仲舉止內向次子
湖祖師與吳君同往上謁冀說之止時郭璞先在幕
府乃因璞與俱見處仲喜延之飲而問曰予夢以

一木破天君等以為何如祖師曰非佳兆也吳君曰木上破天未字也公其未可妄動處仲色變令璞筮之璞曰無成處仲不悅曰予壽幾何璞曰公若舉事禍將不久若還武昌則壽未可量也處仲怒曰君壽幾何璞曰壽盡今日日中處仲大怒令武士擒璞斬之洞仙傳云璞已預報家人備送終之具在行刑之所命即寢於江側兩松間後三日南州市人見璞化負其服飾遍與相識共語處仲聞之不信開棺無屍乃尸解也今為水府敗遂悅憤而死卒有屍屍之刑焉

鐵船化

祖師與吳君還至金陵欲賃舟至豫章而船主告以乏操舟者祖師曰爾等但瞑目安坐切無覘視吾自為爾駕之乃召三龍挾舟而行經池陽以印印西岸之壁崖以碎其水恠焉至今印文猶在舟漸凌空俄過廬山頂至紫霄峯金闕洞祖師與

吳君欲遊洞中故其舟稍低抹林梢屢有聲舟人不能忍乃竊窺之龍即捨舟於層岫之上折桅於深澗之下後皆為鐵石今號石峯并桅在澗中為斷石矣祖師為舟人曰汝不聽吾言將何所歸舟人拜求濟度祖師教以服餌靈草遂得辟穀不死盡隱於此山後柏伊刺史江州遣人訪廬山異迹至紫霄峯見湖中有舟及群鶴赤鱗人騎白馬二少年長嘯聲聞數百步疑是舟人輩祖師與吳君各乘一龍分水陸還會於北嶺之天

寶洞

鄱陽化

祖師以蛟蜃之屬有散入鄱陽潯陽郡者慮其復還乃周行江湖口殄滅之至岩堯山頂有蛟湖三所其孔穴透大江通饒信祖師誅其蛟魁立玉陽府靖以鎮之其西北石壁下灣立開化靖以鎮之更立太城府靖靖傍有大澤深不可測且多蛟螭祖師盡滅之惟一蛟子逃走故立此靖以斷截之又鑄鐵符鎮鄱陽湖口杜其所入之路今在湖口縣上

鍾石之江中 鑄鐵蓋覆廬陵元潭制其所藏
之數仍以鐵符鎮之 今號飛符嶺有觀曰崇
真 留一劍在焉 其劍長尺有咫似玉石又似銅
鐵人莫能識焉 明年永嘉七年也 復遊長沙
遂至韶陽又明年至郴衡諸郡所至皆為民賊
毒除害乃還豫章前後凡立府靖七十餘所
皆所以鎮郡邑辟凶災也

廣德化

祖師垂迹通於江左湖南北之境而為觀府為壇

靖者不可勝計或散在山林湖澤絕有異處如龍沙
側之磨劍池至今畧不湮塞

華車化

靖安縣有劉仙姑姑名懿真年數百歲貌若
童子諶姆嘗稱之祖師往見則已飛昇矣遂
留寶木華車遺之車因風飄舉三日而下名其
觀曰華車觀碑陽猶在今號栖霞觀

歸隱化

祖師遂歸舊隱日與弟子講究真詮數十

年間不復以時事關意惟精修至道作醉思仙之
歌又著八寶訓曰忠孝廉謹寬裕容忍忠則不
欺孝則不悖廉則罔貪謹而勿失修身如此可以
成德寬則得衆裕然有餘容而含和受忍則安
舒接人以此怨咎滌除凡我弟子動靜勤篤
念茲在茲當守其獨有爽厥心三官考覈鄉黨
化之皆遷善遠罪孝悌興行平時出處隨機
應物不要常人但所居之處馬鶴翔飛景雲旋
造而已自東晉亂離江左頻擾祖師所居環百
里餘盜賊不入閭里晏安年穀屢登人無災害其
福被生靈人莫知其所以然也

金王化

祖師隱居西山有方士點銅鐵為金化石為玉
欲售其方祖師曰得無變乎方士曰五百年後復
還本物祖師曰必誤後人卒不受

丹詔化

孝武帝寧康二年甲戌祖師年一百三十六歲
八月朔旦有雲伏自天而下二仙乘輦導從

甚盛都降于祖師之庭祖師降階迎拜二仙曰奉
玉皇命賜子詔祖師俯伏以聽乃宣詔曰上詔學
仙童子許遜卿在多劫之前積修至道勤苦備
悉經緯逾深萬法千門固不師歷救災拔難除
害蕩妖功濟生靈多高玉籍衆真推仰宜有甄
昇可授九州都仙太史高明大使賜紫綵羽袍瓊
旌寶節玉膏金丹各一合詔至奉行祖師再拜
登階受詔一仙曰余乃玉真上公崔子文一仙曰余
乃元真大卿瑕丘仲言畢揖祖師坐告以冲舉之
日遂乘雲車而去

垂教化

祖師乃召門弟子與鄉曲耆老諭以行期自此
朝夕會于祖師之第日設宴飲共叙惜別且教
以行善立功以致神仙之旨著靈劍子等書又
與十弟子各為五言二韻勸誡詩十首以遺世及
以大功如意丹方傳衆弟子之不與上昇者此方
即于義方中也其訣必先擇日齋戒設位醮十八
種藥之神然後書符逐味誦呪而修合之其治

衆疾如意而即愈

飛昇化

八月望日大營齋會徧召里人長少畢集至日中
遙聞音樂之聲祥雲彌望須臾漸至會所羽蓋龍車
從官兵衛仙童綠女前後導從紅霞紫霧舒布
環繞前二詔使又至祖師降階拜迎二仙復宣詔
曰
上詔學仙童子許遜脫子前世貪殺匿不記祖先
罪錄于今生叱水行符治病罰惡截毒之功已

仰潛山司命官傳金丹於下界閉債封形回子身
及家口府宅百好歸三天子急淨穢肯土凌空左
大力天丁與流金火鈴照辟中黃母或散慢告行
仍封遠祖由玉虛僕射曾祖琰太微兵衛大夫祖
玉太極把業錄籍典者父肅中嶽仙官賜所居
宅曰仙曹左府玉真上公曰卿門弟子雖衆唯六
人合從行餘各自有超舉之日不得偕往也乃
揖祖師昇龍車命陳勲時荷持冊前導周廣
曾亨驪馭黃仁覽與其父族侍盱烈與母郭從

仙眷四十二口同時昇舉，鷄犬亦隨，遂飛騰里人攀戀，投地悲號，不忍別。祖師曰：「仙凡路殊，悲懼自切，執奉孝慈，恭順天地，何患無報耶？」乃留下修行鍾一口并一石，函謂之曰：「世變時遷，即為陳迹矣。」聊以此為異時之記。仙伏既畢，有頃墜下藥臼，軍穀各一，又墜一鷄籠於宅之東南十餘里。今日崇元觀并鼠數枚墜地，雖拖腸而不死，意其嘗得竊食仙藥也。後人或見之者，必為瑞應焉。仙駕凌空，向遠望之，不可見，惟祥雲彩霞彌漫。

山谷百里之內，異香芬馥，經月不散。

錦幃化

祖師自旌陽奉蜀錦為傳道質信於譚姆姆，製以為殿幃。至是忽飛來，周遊旋繞於故宅之上，竟而復飛入於雲霄之間。後置觀，故以游帷為名。

棲梧化

王長史之子朔迎祖師，居西亭久之，謂朔曰：「吾視子可傳吾術。」乃密授仙方，後云：「此居山川秀麗，東

有靈泉出於道南，前對洞天府，臨泉水宜為道院。朔從之。祖師乃書一靖宇，有符于壁而去。時祖師與郭璞尋真，選勝而至此，宜春栖梧山也。飛昇之日，雲輅過其上，遣二青衣下告朔，以被玉皇召命。因來別子朔暨闔家，瞻拜祈度。祖師俯告曰：「子輩仙骨未充，但可延年。乃飛仙茅一根，授朔曰：「此茅味異，植於茲地，久服長生。甘能養肉，辛能養節，苦能養氣，酸能養骨，滑能養膚，酸能養筋，宜和苦酒服之，必効。」言訖而別。自後王族如言服餌，各

壽百齡焉

崇祠化

祖師飛昇之後，里人與祖師之族孫簡就其地立祠，以所遺詩一百二十首寫竹簡之上，載之巨筒。令人採取以決休咎，名曰聖籤。其鍾并函曰併寶藏於祠中。後改祠為觀，因錦帷以命名曰游帷。蜀旌陽之民競齎金帛負輶，來焚壇并以報德。各鐫姓名其上。蜀氏執緣改宮修中殿觀，亦尋廢。至唐永淳中，天師胡惠超重興。